



otpannews.kz

1973 ЖЫЛДЫҢ 13 СӘУІРІНЕН ШЫҒА БАСТАДЫ

МАҢҒЫСТАУ



Kaspi Bank
арқылы жазылу

№55 (10455) 17 ШІЛДЕ, БЕЙСЕНБІ, 2025 ЖЫЛ

ОБЛЫСТЫҚ ҚОҒАМДЫҚ-САЯСИ ГАЗЕТ

ҚАЛА ЖОЛДАРЫНЫҢ САПАСЫ СЫН КӨТЕРЕ МЕ?

■ ШАҒАРДАҒЫ ҚАЛАШЛІК ЖОЛДАРДЫ ЖӨНДЕУ ЖҰМЫСТАРЫ ӘР ЖЫЛ САЙЫН ЖҮРГІЗІЛІП КЕЛЕДІ. ӨТКЕН ЖАЗДА ДА ЖОҒАРҒЫ ШАҒЫН АУДАНДАРДАҒЫ БАСТЫ ЖОЛДАРДЫҢ ТӨСЕМЕЛЕРІ ЖАҒАРТЫЛЫП, КЕДІР-БҰДЫР ЖОЛДАРДЫҢ САНЫ АЗАЙҒАН ЕДІ. БИЫЛ ДА БҰЛ ЖҰМЫСТАР ӨЗ ЖАЛҒАСЫН ТАПТЫ.




Солардың бірі – тұрғындардың өтініші бойынша жаңартылған 21 және 25-шағын аудан аралығындағы тергеу изоляторынан бастап «KazFruit» сауда нысанына дейінгі автомобиль жолы. Жөндеу

жұмыстары аяқталғаннан кейін жол бойына қажетті жол белгілері орнатылып, жол таңбалары сызылған.

» 3

ҚАНТ ДИАБЕТІНЕ ШАЛДЫҚҚАНДАР КӨБЕЙДІ

ҰЛТТЫҚ ҚАНТ ДИАБЕТИ РЕГИСТРИНІҢ ДЕРЕГІНЕ ЖҮГІНСЕК, Өңір халқының арасында диабет дерті дендеп барады. Жыл басынан қауіпті кеселдің құрсауына іліккендердің саны 14 мыңнан асып жығылады. ӨЗЕКТІ ӨРТЕЙТІНІ – КЕЙБІР АЗАМАТТАРДЫҢ ӨМІРІНІҢ КЕЛТЕ ҮЗІЛУ.



Статистика деректеріне сәйкес сусамыр сырқатының II типімен 13 мыңнан аса науқас тіркелген. Ал I типтегі диабет 800 мыңға жуық адамнан анықталған. Бұл көрсеткіш былтырмен салыстырғанда біршама науқасқа көп деседі дәрігерлер. Бір қуантарлығы – балалар мен жасөспірімдер арасындағы жағдай тұрақты.

Сарапшылар сырқат өсімінің себебін семіздік, дұрыс тамақтанбау, физикалық белсенділіктің төмендігі және кейбір әлеуметтік топтардың экономикалық жағдайы деп көрсетеді. Ата-аналар көп жағдайда балаларда қант диабетінің бастапқы кезеңін байқамай қалуы мүмкін. Ең алдымен, зәр шығару жиілігіне жіті назар аудару қажет.

Аурудың алдын алу – денсаулықты сақтау және өмір сапасын арттыру үшін маңызды қадам. Қант диабетінің алдын алу үшін дұрыс тамақтану, дене белсенділігін арттыру, артық салмақтан арылу және тұрақты медициналық бақылау қажет.

Өз тілшіміз.

• ҚЫСҚА-НҮСҚА

ЖЕҢІЛ АТЛЕТТЕР ЖҮЛДЕГЕР АТАНДЫ

Алматы облысында өткен жеңіл атлетикадан Қазақстанның XXXIV жазғы чемпионатында маңғыстаулық спортшылар төрт жүлде иеленіп, үздіктер қатарынан көрінді.

КЕМЕ ҚАТЫНАСЫНЫҢ ҚАУІПСІЗДІГІН ТАЛҚЫЛАДЫ

Ақтаудағы әскери-теңіз базасында «Каспий теңізінің қазақстандық секторында кеме қатынасының қауіпсіздігі» тақырыбында ғылыми-тәжірибелік конференция өтті. Сондай-ақ гидрографиялық техника мен заманға сай өлшеу құралдарының көрмесін ұйымдастырды.

ЖАҢАӨЗЕНДЕ МЕКТЕП ҚҰРЫЛЫСЫН ЖЕДЕЛДЕТУ МАҢЫЗДЫ

Өңір басшысы Жаңаөзендегі бірқатар мектептердің құрылыс және жөндеу жұмыстарымен танысты. Ол алдымен 1200 орындық «Келешек» мектебінің құрылыс алаңына аялдап, нысанды қыркүйекке дейін аяқтауды тапсырды. Сондай-ақ №7 мектептегі күрделі жөндеу жұмысына көз жүгіртіп, мердігерге жедел мерзімде тапсыруды міндеттеді.

ТАЗАЛЫҚ ЖҰМЫСТАРЫ ҚАРҚЫН АЛДЫ

Маңғыстау облысында «Таза Қазақстан» экологиялық акциясы аясында қала жағажайлары мен халық көп шоғырланатын орындарда сенбілік өтті. Эколог Джавид Алиев қоршаған ортаны қорғау – әркімнің міндеті екенін атап өтіп, тұрғындарды «TazaQazBot» чат-боты арқылы экологиялық мәселелерді хабарлауға шақырды.

БАЛЫҚ ШАРУАШЫЛЫҒЫНА БАУЛИТЫН ОҚУ ОРНЫ

■ ЕЛІМІЗДЕ ОРТА КӘСІПТІК БІЛІМ БЕРУ ЖҮЙЕСІНІҢ ЕҢБЕК НАРЫҒЫНЫҢ ӨЗЕКТІ ТАЛАПТАРЫНА СӘЙКЕС КЕЛМЕУІ ЕЛЕУЛІ МӘСЕЛЕГЕ АЙНАЛҒАНЫ МӘЛІМ. НАРЫҚТЫҢ ҚҰБЫЛМАЛЫ КЕЗЕҢІНДЕ НАҚТЫ ҚҰРЫЛЫМЫН САРАЛАУ КӘСІПТІК-ТЕХНИКАЛЫҚ ЖҮЙЕДЕ САПАЛЫ БІЛІМДІ, СУРАНЫСҚА ИЕ МАМАНДЫҚТАРДЫ ЖӘНЕ ЖҰМЫСҚА ОРНАЛАСУ КЕПІЛДІГІН АЛУҒА ЖАҒДАЙЛАР ЖАСАУ ҚАЖЕТТІГІН ӨЗЕКТЕНДІРЕ ТҮСЕДІ.



Сондықтан соңғы жылдары кадрларды даярлау тәсілін түбегейлі өзгерту, жергілікті өндіріс тәжірибесінде жеткіліксіз технологияларды жіті зерделеу үшін бизнес-қауымдастық пен колледждер әріптестігінің нақты механизмдерін әзірлеу соны серпін ала бастады. Өңір экономикасының өсімін өрістету үшін өтімді кадрларды оқытуға бетбұрыс жасаған колледждердің бірі – Түпқараған аудандық гуманитарлық-кәсіптік колледжі.

Бүгінде дуалды оқыту жүйесінің негізгі діттегені – техникалық-кәсіптік оқу орындары мен кәсіпорындар серіктестік аясында нарық заманында бәсекелестікке төтеп бере алатын, жаңа инновациялық-технологиялық бағдарламаларды меңгеруге дайын жұмысшы мамандар даярлау. Дуалды оқу жүйесі бойынша 60% тәжірибе, 40% теориялық білім беріледі. Түпқараған аудандық гуманитарлық-кәсіптік колледжінің директоры Ілес Еркінұлының сөзіне сүйенсек, дуалды оқыту бойынша колледж арасында келісім шарт 21 серіктеспен жасакталған. Колледж әлеуетті жұмыс берушілерді жас түлектердің мамандықтары мен кәсіби мүмкіндіктері туралы ақпараттандырады, бұл алдағы бірлескен қызмет үшін ынтымақтастық шеңберін кеңейтуге мүмкіндік береді. Өндірістік тәжірибеден өту үшін колледж кәсіпорындармен келісіп, арнайы бағдарлама мен оқу үрдісінің кестесін бекітеді.

» 2

ВАЛЮТА БАҒАМЫ

(USD) АҚШ доллары	526.80
(EUR) Еуро	614.91
(RUB) Ресей рублі	6.97

АУА РАЙЫ

	ТҮН	КҮН
Ақтау	+23	+31
Жаңаөзен	+24	+38
Форт-Шевченко	+28	+34

• БҮГІНГІ САНДА

ТАҒДЫРЫ ТЕНІЗБЕН ТОҒЫСҚАН



Алматыда токарь мамандығын меңгерген шебер бүгінде оқушыларға 3D көрнекіліктер жасап, түрлі станоктармен жұмыс істеуді үйретеді. Қамшының сабын жонып, ау тоқуды, теңіз жағасындағы тіршілікпен таныстыруды ашық сабақтардың мазмұнына айналдырған.

» 2

ЖАРЫҒЫ ӨШКЕН ҚАЛА



Көкжиегіне көз жетпес теңіздің жағасында отырып сусыз күн кешетін, айналаның бәрі дамып, иттің итақайына дейін технологияны меңгеріп алған заманда жарықсыз отыратын бұл қаланың адамдары роботтар мен дрондар кезеңінде қолдарына білте шам мен шырақ ұстап жүр.

» 6